

确山骈体文

石角
山
馬并
骨體
文

庚辰春梓

廂山駢體文目錄

世犖幼事帖括其於詩古文詞寓目勿遑也洎與
計車賣文京師始學爲駢四儷六之譌入關來索
觀者衆鈔胥頗以爲苦同人愆患遂付剞劂功未
精於刻楮孽又墮於災梨笑薄宦以七年聊自充
夫囊橐媿詒癡於片紙知誰覆以甌瓶時嘉慶庚
辰春三月臨海宋世犖識於扶風官舍

卷一

計文一十七首

卷二

計文二十五首

卷三

計文二十六首

卷四

計文二十八首

确山駢體文

臨海宋世榮

卷一

吳越錢忠懿王金塗塔搨本記爲如皋陳上舍嵩作

陳肖生上舍

嵩

以錢忠懿王金塗塔搨本見示塔卽吾師

朱后君中丞所得貢入秘府者也記銅花之剝蝕印墨繡以迷離四版森然八觚隱若金剛菩薩各現化身餓虎飢鷹悉呈幻相幸脫丙丁之厄料屬神扶大書乙卯之年不標國號用摩挲而太息因覩縷於舊聞蓋婆留國啓之時正帝釋教行之日紇干雀凍震旦龍爭鍾兩乳於靈山護一杯於瀾水江頭潮縮願力證其宏深陌上花開因緣結

其歡喜卜世四傳之基業鞏若金甌食邑五千之誓詞申
諸寶券遂乃修伊蒲爲供養矢檀施作箕裘祝諸佛永爲
護持願累世長茲富貴當夫金券玉冊土木繁興吳北閩
南干戈迭擾霜寒一劍詩僧跡杳於冥鴻星轉幾繩香孩
光騰於夾馬歲歲楊頭斧斫眼怕錢穿年年瓜子瓶封睡
難榻穩彼忠懿者席茲世業侈擁王封方處堂之是嬉望
恆沙以自懺想其窮搜變相廣聚良工命太乙使開鑪召
五丁爲鼓橐人天眷屬咸護金輪日月精華悉依寶筏冶
應自躍鑄成三保之文岸許彼登瓦仿五臺之式指十里
湖開鍋好一例銷金看六橋市報燈添幾番買夜第不知

十三州境百萬生靈縱踴躍而樂輸計蓋藏而有幾封椿
馨於冶造部屋迫以鞭笞是則釁血塗膏銅仙所爲飲泣
正恐家腴戶削歐史非盡誣詞也然而覺路旣通迷途不
遠奉版籍以歸真主懺刀火以衛衆生身免賜夫牽機爵
尚榮夫胙土累朝尚主脂田粉雕之頌奕世追封麟帶貂
袍之盛意者函圖北獻便放屠刀膜拜西瞻卽參燈印亦
可證輪迴之的的悟貪忍之空空矣又况劫換紅羊經銷
白氎捷甚八百四十年之急景歸然八萬四千塔之靈光
銅版猶輝金輪任轉問往日土埋塵蝕曾落誰家卽今茲
篋薦匭包直登天府而上舍驚揩眼纈細拓手煤飾以

縹籤襪之素繭名篇筍束泥爭印夫羣鴻小軸香熏磚並珍夫五鳳徵法力之堅固妙智慧之皈依斯又維摩撫而

忘言世尊拈而欲笑者也僕家依佛隴典數台山秦國公

主之舊居石埋蕪蘚秦國大長公主南渡時寓台州府城之東隅今美德坊石柱猶存嘉

定丞相之故第橋落飛花台州白雲山麓百花橋即錢園故址美德坊延表

忠譜在台州錢氏有表忠譜國朝鮑覺菴太守所刻今存志稱銅塔現存與鐵券

竝藏錢氏今則券形似瓦塔渺於烟倘購訪之有方果顛

跌之無恙則山河影幻君方譚紙上之禪樓閣瞬成我且

現掌中之寶

都門陶然亭雅集圖序

軟塵十丈幽敞爭說此亭藏海萬人疎狂但容我輩如魚
逐隊似鷁避風小車蹙蹙以穿林高閣延緣而倚檻消羈
愁於千里客子七人補勝事於重陽後庚三日筆牋分韻
倩筆成圖莫不眷眷共深於此時落落成期於千古也撫
景物之瀟灑仰天宇之淵澄四座勿喧一言試聽夫以蹤
同萍梗契託苔岑或偷休沐之間或撥簿書之暇或下帷
夏課偶效窺園或覓食春明久思返櫂厭六街之擾擾暢
一夕之由由臭本如蘭淡真似菊假使闌其相對嗒爾若
忘不幾使林壑之笑人疑琴尊之負我哉況此地氣涵陂
澤目極林垌白露下而蒹葭蒼短髮搔而茱萸插人言落

帽我正盍簪他年縱別以升沉此日何差於臭味一錢不
買共消明月清風幾屐此生未脫名韁利鎖第恐杯長燭
短火變星移酒痕空黢夫青衫襟題終寒於白水誰能遣
此卒喚奈何此陳跡所以興懷浮生所爲若夢也然則趁
寒花之妮妮攀衰柳之條條壽之丹青紀以篇什又烏可
以已予是日會者滄州李農部肄頌定海陳舍人慶槐餘
姚朱孝廉文治山陰葉孝廉騰蛟儀徵汪上舍朝黼歙胡
布衣唐與世榮凡七人如皋陳上舍嵩爲之圖貌行障於
蘇門寫屏風於蓮社軸標年月紙落烟雲破曙而來戴星
而返興真不淺醒亦能狂便是騷壇合稱雅集若論登高

能賦固當並作大夫如其臨水將歸總可呼爲秋士

都門極樂寺看菊花記

酈谷三十家折來朵朵陶令重九日舞去娑娑此友誠佳
於人孰澹况乃家山萬里人海一身擬冒雨而安尋欲訪
秋而誰侶則有松潭農部篇工月露人稱短李之才志軼
烟霞獨發高秋之興離城三四里古刹相招同志六七人
小車齊到拂緇塵以鞭影躡黃葉於籬根泣泣露花棱棱
風格天高氣爽爭憐幽豔千枝瘦蝶寒蛩又報清香一度
矧茲游客半屬羈人得無太息於逝波驚心於短晷乎然
而風襟披處茶夢圓時天生左手以持螯人挹西風而浮

蟻借君禪榻代我江鄉夕陽窺客以猶畱花意昵人而欲
笑固知游貴愜意不待抽簪插許滿頭無妨落帽也旣而
暮烟四起暝禽亂啼客曰歸乎恐下城頭之鑰主曰未也
還飛婪尾之觴風袂全欹月輪半上林外之車聲軋軋壁
間之墨跡淋漓題名者餘姚朱文治少仙大興黃焜望冲
甫吳橋方琴桐圃方蟾研泉滄洲李肄頌松潭也臨海宋
世犖
廬山爲之記時乾隆甲寅九月望日

謝陳肖生上舍

嵩

畫梅啓

如許清香幾生修到無邊春信一幅傳來試喫則鼻觀潛
通欲折則指尖詫冷足下味耽禪悅腕蘊化工慣爲鄧尉

之游曾作羅浮之夢故能與雲同意爲雪寫真舐筆脩然
巡檐宛爾遂使如拳斗室似繭羈人湔滌軟塵徘徊晴雪
客來不速便移坐於水邊僮亦忘情誤尋春於檻外如許
安排宰相此畫定飾玉父倘真省識美人耳食錄載有人
購得省生畫梅
縣之室中逮夜每花
各有一美人自下今夜試垂紙帳

都中長椿寺觀九蓮菩薩畫像記

京師宣武門外長椿寺明李太后御容在焉俗所稱九蓮
菩薩者也飾觀音之法象仿道子之傳神滿月相圓明星
眸炯雖金粉剝蝕微黦梁塵而玉躔莊嚴尙珍寶繪嗟乎
此非當日搨成千本捧出九重諸佛避位於大千萬眾焚

香而合十者哉夫以神宗甘叢脞之卽託靜攝之名閣部
缺而勿推章奏陳而弗省甚至曠砂斂急衽席愛偏雖在
位之差長幾無善之足錄然而基承富厚運際昇平敬事
兩宮廣陳百戲安車妥帖法膳芳腴雲臺拱立以駕須靈
殿膝行而厯鞠當夫金卮酒溢銅盎花開離離四照之枝
簇簇九包之采佛輪涌現槐棘傳觀御筆題吟栴檀頂禮
遂乃傾封椿以喜捨散球玉於祇林固亦諸天樂報以休
徵四海共欽爲孝養者矣且夫太后動遵禮法性秉沖和
歡好無間於坤寧保護尤端於蒙養筵因講啓問日進以
何書盥必親臨促晨興以上輦豈皇帝定應汝做敢遲酒

嬉喜閣老真比師嚴勿譌色勃諫臣無罪免魏絳於斧膏
女伎有家許樂昌而鏡合至若正言以拒上壽我欲宣潞
王之來厲聲以詰建儲汝亦祇都人之子力持大義痛絕
偏徇訓炳日星功關宗社固不僅以廣營梵字虛祈國祚
之延侈供香花自種來生之福也洎乎萬孫讖叶全局基
翻棗棍禍起於儲宮茄花妖興於永巷破軍之星已降車
箱之峽平沉戚畹愁怨於典房官家歛歛於解菜而菩薩
且恨待吾家之薄攜皇子以行豈嚙語之無憑抑福緣之
已罄耳北宮齋醮何解淪亡南海樓臺空叨布施刃揮臂
斷問公主胡生我家纓結髮披訴高皇定知兒苦疊符蒼

鳥劫換紅羊惟此像尚落人間未離天上年年為飛兔走
誰為社餽之思量處處蛩泣鶻啼尚託檀施以供養僧偏
饒舌說前代箇是孃孃佛但低眉指大眾原來爾爾城難
護世燈豈長明安得不悟富貴於浮雲慨閭浮之夢幻耶
余於乾隆乙卯花朝日偕陳陰山舍人慶槐莫見山孝廉
夢鈞往觀之因濡筆而為之記

此余乙卯舊作也或謂此畫實懷宗生母李太后像當
時訂據殊疎然俗久傳為九蓮菩薩姑存之以俟考乙
亥長至日記

張船山太史

問陶

呵神罵鬼詩冊題詞

秋墳夜嘯詩唱誰家春社晨喧酒澆此輩問天不語任汝
面目模糊有客能譚令我髮毛豎立付泥坯於一捻到人
間便耐香烟落沙屑於三更問空中經誰棒喝船山太史
官依冷署家近酆都筆下如神腕藏有鬼日日敝車羸馬
忍餓高歌年年臘盡春回送窮不去奈揶揄之良苦兼笑
罵以疾書當其寸管如飛一燈似豆繞牀瑟瑟搖筆總若
罔聞隔壁嗚嗚破膽無非險語固知九幽諸老久無奈此
狂生三界羣魔且共驚爲老吏也或謂泥犁有獄事未可
知傀儡無心機還自觸然則衆目睒睒君方人海藏身獨
腳跂跂我亦家山有鬼

杜甫憶台州鄭司戶詩
有山鬼獨一腳之句

如果聞而